

BE.74. SAI MARLASNIROHA HITA (F=1)

=====

B.E No. 74. SAI MARLASNIROHA HITA

1. Sai marlasni roha hita Ale dongan Kristen i
Sai tapuji ma Tuhanta Napasaehon dosa i
Ditogihon Jesus i Hita huria i
Naung dijangkon Debatanta hita on baen anakkonNa.
2. Tuhan Jesus do Rajanta Na manggomgom sasude
Niramotan ni tanganNa Do luhut parhosa pe
Molo lao hatana i Ndang tarbaen so saut be i
Sai na tulus do nidokNa Di saluhut manisia.
3. O Hamu ale pardosa Molo naeng sonang hamu
Sai tangihon ma soara Ni Tuhanta i burju
Sai pauba rohamu Jangkon Jesus i tutu
Asa saut paluaonNa Tondimuna sian dosa
4. Nunga ro na mangapuli Roha ni parbegu i
Sahat do nuaeng na uli Tu na olo unduk di
Tuhan Jesus Raja i Naung ro sian surgo i
Sai tapuji ma Ibana Jala taoloi hataNa.